



Page: 3

Reach: 0

Country: BOSNIA AND HERZEGOVINA

Size: 108 cm2

1 / 1



## Cetvero uhapšenih zbog carinske prevare

Tužilaštvu BiH danas će biti predate osobe, uhapšene jučer na širem području Banje Luke, koje su osumnjčene za organizovani kriminal, poresku utaju ili prevaru, te carinsku prevaru, potvrdila je za Srnu policijska službenica Agencije za istrage i zaštitu BiH (SIPA) Kristina Jozić.

Jozić je navela da će pretresi u okviru ove akcije biti nastavljeni i danas, ali nije mogla precizirati više detalja.

Uhapšene osobe privedene su u službene prostorije SIPA u Banjoj Luci, gdje je u toku kriminalistička obrada nad njima. Pripadnici SIPA jučer su uhapsili četiri osobe osumnjčene za organizovani kriminal, poresku utaju ili prevaru, te carinsku prevaru, čime su oštetili budžet BiH za višemilionski iznos.

SIPA, u zajedničkoj akciji sa pripadnicima Uprave za indirektno oporezivanje BiH, započela je pretrese na većem broju lokacija na širem području Banje Luke, radi pronalazjenja predmeta koji mogu poslužiti kao dokaz u krivičnom postupku protiv više osumnjčenih. Riječ je, uglavnom, o špediterima, uvoznicima i vlasnicima skladišta koji su osumnjčeni za poresku i carinsku utaju prilikom uvoza raznih vrsta kineske robe. Akcija se provodi po naredbi Tužilaštva i Suda BiH.